

## ЛУОНЛЫК'ЁСТЫ БЫДЭСАК УЖЕ КУТОНО

Интыысь сырьёлесь тросэн кулэ вуз'ёсты но сион-юон поттонэз бюджетон ужрад'ёс сярысь СССР-лэн СНК-езлэн но ВКП(б) ЦК-лэн пунктэмзы обсудить каремын вал районьсь первичной парторганизациосын, потребительской кооперацилэн активезлэн совещанияыз, промысловой артелинь ужасьёс пöлын, общей районной партийной собраниянь но ВКП(б) райкомлэн пленумаз. Та собранияосын но совещанияосын сётылэмын партилэсь но правительстволэсь пунктэмзэс быдэстон'я практической предложениос, куд'ёсыз асьме районамы уж вылын быдэсымын кутскизы.

Туэ арозь асьмелэн таçe производствосмы вал: Удметаллпромсоюзлэн „Металлист“ артелез лэсьтэ вал сельхозмашинаослы пöртэм пумо частьёс но тросэн кулэ луись вуз'ёс; Удпромсоюзлэн „Комсомолец“ артелезлэн куиськон, вуриськон, сапожной, ку посон но горшок лэсьтон производствосыз вал; инвалидной кооперацилэн артелезлэн — вуриськон мастерскоез но раймеспромлэн вуриськон мастерскоез.

ВКП(б) райкомлэн пленумез интыысь сырьёлесь вуз'ёсты но сион-юон поттонэз паськытатон'я данак практической ужрад'ёс пусйиз. Нимысьтыз ик вераса, туэ арлэн маез азе пус'емын вал кирпич но черепица лэсьтон борды кутскины, уробоос, дöдынос, колесаос, куас'ёс, карнан'ёс лэсьтон борды кутскины, нош ик кутскины смола но тэкит лöзътон борды. Сурановской сельсоветын азыло ик ужазы пихтоварение артельёс. Кирпич лэсьтыны, дöдынос но уробоос лэсьтыны сырьё асьмелэн тырмымон.

„Горд кизили“ колхозын али кирпично-черепичной завод лэсьтон мынэ. Туэ арын со поттоз 60 сюрс штука черепица но 250 сюрс штука кирпич. „Пахарь“ колхозын кутскизы куас'ёсты, колесаосты но дöдыносты дасяны. 200 пар куас вузкарьсь организациослы сётэмын ини. „Горд партизан“ колхозын смола пöзътон вуж завод выльдыське.

Интыысь промышленностья валовсй продукция поттон план 1941 арлы тупатымын (промкооперацилэсь артельёссө вератэк) 28600 манетлы но строительной материал'ёслэн управленизья—4200 манетлы. Та план трослы мултэсэн быдэстэмын луоз. Пищевой промышленностья валовой продукциялэн стоимостез

73 сюрс манетлэсь орточоз. Татчы пыре варенье пöзътон, кудзонтэм юн'ёсты поттон, сылалтэм, мариновать карем но кöс губиносты, куасътэм узы-борыносты, сылалтэм кубистаез, хияр'ёсты но помидор'ёсты дасян. Сион-юон поттонэз бюджетон пумысь интыысь потребкооперацилы заданиос сётэмын парсьёсты куайтыны, заезг'ёсты вордыны, 15 гектар вылэ бакча культураосты мерттыны заданиос. Со сяна, Шарканысь вöй поттон завод быдэн 100 центнер брынга но творог поттыны, 150 центнер простокваша, быдэн 20 центнер шоколадной пахта но молочной кисель, 50 центнер мороженой но мукет поттыны басытськиз.

Озы ке но пусйыны кулэ, что СССР-лэн СНК-езлэсь но ВКП(б) ЦК-лэсь 9 январе поттам пунктэмзэс быдэсьян уродмынэ. Ляб ужа райместпром интыысь промышленностьлэсь выль отрасльёссө кылдытонын, потребительской кооперация та дырозь трос ик öз лэсьты на ас планэз быдэстон понна, урод дасяське дикорастущей губиносты но узыборыносты дасян азе.

Пусйыны кулэ, что вуз'ёсты поттонэз паськытатон понна али ужасьёсыз но артельёс тырмыт уг сюлмасько. „Металлист“ артель, кылсарьсь,

ичи сётэ чугун'ёсты, табаосты, таз'ёсты, ведраосты но пöртэм мукет посудаез. Производствосы умойгес азинтэ „Комсомолец“ артель, кудизлэн вань куиськон, сапожной, гынсапег гындон, ку посон, вуриськон, горшок лэсьтон но трикотажной мастерскойёсыз. Райсоветлэн исполкомез тырмыт кулэ уг кары пус'ем план'ёсты быдэстэмзэс, тужгес ик интыысь промышленностьлэн отделэзлэсь. Интыысь сырьёсы тросэн кулэ луись вуз'ёсты но сион-юон поттонэз паськытатыны бадзым инициатива кулэ, ужез нуыны кулэ потребительслэн курон'ёссыя но активлэн предложениосыз'я.

Матысь задачаен пунктэмын озы ик райлесхозлэсь но „Гондырвай“ колхозлэсь бондарной производствозэс паськытатонэз, татын ик щепной вуз'ёсты поттон борды кутсконэз. Байсарской промколхоз пöртэм пумо жöк-пукон котыр'ёс лэсьтэ. Нош со тырмымон öвöл. Жöк-пукон котыр'ёсты вайылськом на Кировской но мукет областьёсысь. Асьмелэн задачама паськытатыны та производствосез озы, что бы та вуз'ёслы вань кулэяськонэз быдэстыны.

И. Зверев,  
ВКП(б)-лэн райкомезлэн секретарез.

## Колхозын нокыче порядок овол

„Красный отряд“ колхозын трудовой дисциплина куашкамын. Колхозной ваньбурез тустас карисьёсын нюр'яськем интые, правленилэн член'ёсыз асьсөс колхозной ваньбурез тустас каронэз йыр'яло. Ревизионной комиссилэн председателез Н. Перевозчиков, колхозник'ёслэн нюлэскын ужамзы понна, Сельчинской лесопунктысь уно сезыы басыт'из. Нош со сезыез колхозлы öз сёты, аслыз киулт'из. Колхозлэн председателез С. Быстров сөе тодыса но ужрад'ёс öз кутылы на.

18 партконференцилэн решениосыз колхозлэн улоназ пыртэмын öвöл на. Пудо фермаос кыедэн тырмемын. Фермаосысь тусьёс вуэн кынмылэмын. Тусьёслэн кынмытэк кылем интыоссы жуг-жаген тырмемын. Уката но вал'ёслэн условиоссы уродэсь. Конюх Аверкиев Г. тулыс кизён азе вал'ёслы фураж забронировать карон сярысь öз малпаськылы на.

Колхозын тыло-бурдо фермалы помещение öвöл. Курег'ёс скал'ёс но вал'ёс пöлын уло. Курег'ёслы условиос öвöлэн кöняз ке кулыны но шедемын ни, нош кылемез али но уг пузало на.

Колхозлэн вань бусыосыз нюлэсэн котыртэмын. Бусыосын лымы туж уно, туж каллен шуна. Колхозлэн председателезлы сельсовет но районной организациос ласянь лымы вылэ пень кистано шуыса унопол предупред'ить карылэмын. Озы ке но пень кистаны кутскылэмын öвöл.

Колхоз тулыс кизёнлы но туж урод дасяське. Сиес тырлык'ёс тырмыт öвöл, ваньмыз но уродэсь, уробоосты ремонтировать уг карс.

Колхозник'ёслэн ужамзылы ватсаса тырон сярысь партилэсь но правительстволэсь постановленизэс колхозын изучать карыны öз кутскылэна.

Осипов.

Конкретной указани-  
ос сетэмын

Суроны, 17 апреле. „Светлый путь“ колхозысь тулыс кизёнлы дасьлыкес эскерон понна организовать карём комиссиес (председателез З. Стрелков зш) „Трудовик“ колхозлэн тулыс кизёнлы дасяськемезлэсь мынэмзэ эскериз. Пыр-поч эскерыса комиссия уно тырмытэосты шараяз. Колхозлэн председателезлэн тулыс кизёнлы дасяськоннын беспечностьсө проявить каремын колхоз тулыс кизёнлы дась öвöл. Плуг'ёс но сеялкаос бусыын лымы улын кыстасько, ремонт уг мыны. Нош одйгез сеялказы ышемьн, кытынзэ тодысь öвöл. Сиес тырлык но гозык колхоз уг дася. Кидыс тырмыт ке но кистэмын жуг-жагесь. Картовка кидысэз одйг килограмм но öвöл. Колхоз производственной план öз лэсьты на.

Комиссия ваньзэ таçe тырмытэосты колхозник'ёслэн общей собраниязы обсудить кариз но конкретной указаниос сөйт'из. Собраниянь уноез колхозник'ёс выступать каризы. Соос ваньзы шуизы, что вань та колхозысь янгыш'ёс колхозлэн председателезлэн Перевозчиковлэн, вискарытэк юыса, оперативной кивалтонлэсь палдуртскеменыз луо. Колхозник'ёс куро Перевозчиков сярысь сельсполкомлэн заседанияыз нимысьтыз ужпум пуктыса эскерыны.

С. Г. Перевозчиков.

Колхозысь тырмытэ-  
осты оз шарая

ВКП(б)-лэн райкомезлэн решениез'я 13-ысен 19 апрелэзь тулыс кизёнлы дасьлыкес эскерон понна районамы рейд ялэмын вал.

Нош куд-ог комиссиос, рейдлэсь данлыкес валамтэенызы, со шоры халатно отнестись кариськизы.

Азинлэн нимыныз нима колхозысь комиссия (Логинов, Марков но мукет'ёсыз) „Путь Ильича“ колхозлэсь тулыс кизёнлы дасьлыкес эскериз. Комиссия тулыс кизёнлы дасяськоннысь тырмытэосты öз шарая. Колхозэт' котыртскизы но кошкызы. Нош колхоз тулыс кизёнлы дась öвöл на. Сезы но етын кидыс сортировать карыса быдэстымтэ. Минеральной удобрение тырмыт ваемын öвöл, картовка кидыс уг тырмы. Та тырмытэосты жоген палэнтон понна рейдлэн комиссиес нокыче вывод'ёс öз лэсьтэ, эскермлен итог'ёсыз общей собранияньн обсуждать каремын öвöл.

Широбоков.

# Тракторной уж'ёсты вылі зечлыко быдэстон понна нюр'яськом

Шарканской МТС-ын ужасьслэн обязательствозы

18 партконференциясь рещениоссэ уж вылын быдэстон но улонэ пыртон понна, 1941 арын тракторной уж'ёслэсь планзэс успешно быдэстон понна ми, Шарканской машино-тракторной станциясь инженерно-техвической ужасьёс, тракторной отряд'ёслэн бригадир'ёссы, бригадир'ёслэн помощник'ёссы, тракторист'ёс но комбайнер'ёс улі возматэм пункт'ёс'я, асьме вылэ обязательствоос басьтыса социалистической соревнование Сосновской МТС-эз ётиськом:

1. Тракторной уж'ёслэсь планзэс 15 октябрыз 1941 ар 100 процентлы быдэстыны.

2. Гужем уж'ёс дыр'я быдэс МТС-ын 15 процентлы горючез экономить карыны. Со понна ик карбюраторлэн воздушной заслонка-езлэн подссэныз ужанэз, бак'ёслэсь но отстойник'ёслэсь вианзэс дугдытыны.

3. Уж'ёсты вылі ужазын-лыко ортчытон, трактор'ёсты но сельсксхозяйственной машинаосты умой утялтыны но государственной средствоосты экономить карон понна трактор'ёслы технической уходлэн правилоосызлэсь графиксэ быдэс'яны. Со сяна ужам бере котькуд тракторной бригадасын техвической учебаосты ортчыт'яны.

4. „Промышленной предприятиясь недоброкачественной яке некомплектной продукция потэм понна но обязательной стандарт'ёсты соблюдать карымтэ понна ответственность сярэсь“ СССР-лэн Верховсй Советэзлэн Президиумезлэсь Указзэ МТС-

лэн практической уж'ёсаз пыртса вань уж'ёсты умой но отличной зечлыко гинэ быдэс'яны.

5. Тракторной уж'ёслэсь планзэс азинлыко быдэстон понна „8 час'ем ужан нуналэ, 7 нунал'ем ужан арняе выжон сярэсь но предприятиосысь но учреждениосысь рабочий'ёслэсь но служащий'ёслэсь асыменнызы кошконзэс дугдытон сярэсь“ СССР-лэн Верховной Советэзлэсь Указзэ практической уже кутыны. Производствосысь дезорганизатор'ёсын вискарытэк нюр'яськыны. Соосты борд газет'ёс пыр возмат'яса, тракторной отряд'ёслэн совещаниосазы но тракторист'ёслэн общей собраниосазы обсуждать карылыса соосты разоблачать карылыны.

6. Тракторной отряд'ёсын массовой валэктон ужез нуон понна 8 апреле 1941 арын бригадной агитатор'ёсын но борд газет'ёслэн редактор'ёсынызы таңе ужпум'ёсын курс орчытыны: 18 партконференциялэн итог'ёсыз, агитацилэн метод'ёсыз но борд газет'ёсты потылон.

7. Ужлэсь производительностьсэ но тракторист'ёслэсь инициативазэс Жутон понна бригадаос но нимаз тракторист'ёс кустын социалистической соревнованиез но стахановской движениез паськыт вёлмытыны. Социалистической соревнованилэсь мынэмзэ тракторист'ёслэн бригадой но общей собраниосазы эскерылыны. Умой ужась стахановец'ёслэсь ужан опытсэс борд газет но „Шаркан коммуна“ газет пыр возмат'яны.

8. Гужем уж'ёсын умой ужась тракторист'ёслэсь но тракторной отряд'ёслэн бригадир'ёссылэсь инициативазэс Жутон понна, планзэс мултэсэн быдэс'ясь стахановец'ёсты-ударник'ёсты ужан интыязы ик премировать карылыны.

9. Та гожтэм договормес эскероно тулыс кизён бырем бере, ю октон-калтон бырем бере но тракторной уж'ёслэн гужем сезонзы бырем бере.

Социалистической договор кутэмын Шарканской МТС-ысь тракторист'ёслэн общей собраниенызы 7 апреле 1941 арын.

## Шырчик'ёсты пумитало

Кезыт тол нунал'ёс шунитэсь тулыс нунал'ёсын вошкизы. Чукнаысен ик шунит тулыс омыр ымныре шуккиске, пёртэм тылобурдоос лумбыт дугдыл'тэк чирдо. Пинал'ёслэн укыр ик дуно куноссы—шырчик'ёс шунит лум'я уноён асьме пала вуо. Пинал'ёс соосты ярато, соослы умоесь кар'ёс — шырчик

умортоос лэстытылыса пумитало.

Ми, Бызиновской школаысь дышеткись пинал'ёс, быдэн одиг уморто лэстытыны кыл сётимы но сое уж вылын быдэстимы. Шырчик'ёслы 130 уморто дасямы ни.

Бызиновской школаысь дышеткисьёс: Шамаев Захар но Малых Михаил.

## Испытаниослы умой дасяськоно

Жоген йыллум'яськоз дышетскон ар. 20 мае 1941 арын вань школаосын дышеткись пинал'ёслы тулыс испытаниос кутскозы. Дышетисьёс но дышеткисьёс государство азын отчет сётозы, партиен но правительствосен школаос азын пунктэм задачаосты уж вылын быдэс'ямзэс возматозы.

Советской егит калыкез воспитать карон—бад'ым но четкой уж.

Кыңе ке школаосын дышетскон ар чоже учебно-воспитательной уж кулэез'я пунктэм вал, отын тулыс испытаниослэн результат'ёссы умоесь луозы.

Умой дасяське испытаниослы Сосновской НСШ. Испытаниослы дасяськынын бад'ым юрттэт сето комсомольской но пионерской организациос, дышетскынын котькуд

бере кылисьёслы соос вискарытэк юртто.

Ичи на районыстымы школаосын таңе пример'ёс. Данаказ школаосын таком ответственной ужлы дасяськыны умой-умой оз кутскылэ на. Дышетскон арлэн куиньметй люкетэзлэн пумаз уносез школаос уродэсь показателёсын поттызы. Шарканысь средней школаын 146 мурт дышеткисьёс, Бадьяровской начальной школаын 11 мурт дышеткисьёс, Н. Киварской НСШ-ын 91 мурт дышеткисьёс ляб дышетско. Районыстымы 1450 мурт дышеткисьёс урод оценкаос иметь каро. Нокызы чидантэм показателёс та. Нокызы но лэзыны уг луы тамында дышеткисьёслэн кыттэтй арлы одиг классэ дышетскыны кылён сярэсь малпанзы. Озы ке но унояз школаосын бере кылись дышеткисьёслы конкретной юрттэт уг сето.

Петуневской НСШ-ын бере кылись дышеткисьёсын ужез

дышетсконысь отличник'ёс вылэ куштызы. Нош дышетисьёс асьсэоз та ужлэсь палдуртскыса уло.

Куд-ог школаосысь дышетисьёс испытаниослы дасяськон интые вискарытэк юыса уло. Гондырвайской школаэн заведующиез Курбатов алигес школае ветлытэк лумбыт юыса улиз. Петуневской школаысь дышетисьёс Павлов юыса улэмез понна ужыстыз куштэмын. Порозовской НСШ-лэн директорез Вострокнутов дышетисьёсыныз вожвыл'яськыса но чем дыр'я юыса улэ.

Дыр уг вытыы, али котькуд бере кылись дышеткисьёслы нимыстыз саклык вис'яно, юрттэт сетоно испытаниослы дасяськыны. Испытаниос кутскытозь кылем дырез ваньзэ использовать кароно, ар кустын дышетскем материал'ёсты повторить кароно. Али ик вопросник'ёсты, текст'ёсты но расписаниосты дасяса дышеткисьёс пинал'ёсты подматано. М. Шкурихин.

## Предмайской социалистической соревнование пырьськымы

Ми, Шаркан районысь финансовою ужасьёс 1941 арлэн нырысетй кварталаз коньтон огазаян'я социалистической соревнованилэсь итог'ёссэ обсудить карыса, кыктэтй кварталлэсь планзэ вакчи дыр кустын быдэстон понна предмайской социалистической соревнование пырьським но асьме вылэ таңеесь обязательствоос бастыськомы:

1. Госдоход'я квартальной планэз 1 маёз 35 процентлы быдэстыны.

2. Коньдон огазаян'я кыктэтй кварталлэсь планзэ 75 процентлы быдэстыны.

3. Добровольной страхования—75 процентлы.

4. Заём'ёс'я—100 процентлы.

5. Вклад'ёс'я—100 процентлы.

6. Коньдон огазаян'я кыктэтй кварталлэсь планзэ вакчи дыр кустын быдэстон понна коньдон огазаян'я но госдоход'ёс'я ежедневной графиказ уж вылын быдэс'яны.

Совещанилэн косэмез'я: Шулепов, Кутергин, Солодянкин, Поткин, Перевозчиков, Филатов, но Дресвянников.

## Мексикаын муз'ем зурканлэн последствиосыз

Юнайтед Пресс агенстволэн ивортэмез'я, Мексикаын муз'ем зуркамен сэрэн уно бырем'ёс лыд'ясько. Туспан городын кулэмын 100 но сёсырмемын 85 мурт. Калима городын развалинаос улысь 36 шой шедьтэмын. Мукет'ёсыз город'ёсын бырем'ёслэн лыдзы тодэмын өвёл на.

## Английской военной корабльёсты американской верфьёсын тупатон

Ассошиэйтед Пресс агенстволэн ивортэмез'я, США-лэн морской министрз Нокс ивортыз, что американской военно-морской верфьёс английской военной корабльёсты нырысь очереден ремонтировать каро. Нокс ивортыз на, что 10 нунал талэсь азыло Нью-Йорке вуэм английской линкор „Малайя“ уно английской военной корабльёс пöлысь нырысез луэ ай, куд'ёсыз США-е ремонтировать карыны понна витисько. (ТАСС).

Редактор Н. ВАХРУШЕВ.  
Издатель РАЙСОВЕТ.

## Бастэ эгыр!

Кывинской сельпо тонназэ 375 манетэн эгыр вуэв. Вуэано эгыр Буденныйлэн нимыныз нима колхозын луэ. ПРАВЛЕНИЕ.